

307.11
20
224A
501

五

樞識

五

靈樞識卷之三

丹波元簡廉夫 著

經別篇第十一 諸本無篇字當刪

五位 志云五方之定位

六律建陰陽諸經 甲乙建作主持二字志云建立

六陰六陽以合諸經

十二辰十二節 周禮誓簇氏十有二辰註辰謂從子至亥左傳成九年浹辰之間註浹辰十二日也邪客篇云辰有十二人有足十指莖垂以應之又云歲有十二月人有十二節又生氣通天論五藏

十二節

十二經水

詳于經水篇

十二時

顧炎武日知錄云古無所謂時凡言時若

堯典之四時左氏傳之三時

桓公六年三時不害

皆謂春夏

秋冬也自漢以下曆法漸密於是以一日分爲十

二時蓋不知始於何人而至今遵用不廢

離合出入奈何

張云十二經脉已具前經脉篇但

其上下離合內外出入之道猶有未備故此復明

其詳然經脉篇以首尾循環言故上下起止有別

此以離合言故但從四未始雖此略彼詳然義有

不同所當參閱

鑪之所過上之所息也 張云過猶經過謂忽略不
察也息如止息謂必所留心也

足太陽之正止皆爲正也 張云此膀胱與腎爲表

裏故其經脉相爲一合也足太陽之正入臍中與
少陰合而上行其別一道下尻五寸當承扶之次
上入肛門內行腹中屬於膀胱散於腎循膂當心
入散上出於項而復屬於本經太陽此內外同爲
一經也足少陰之正自臍中合於太陽內行上至
腎當十四推旁腎俞之次出屬帶脉其直者上繫

舌本復出於項合於太陽是爲六合之一也然有表必有裏有陽必有陰故諸陽之正必成於諸陰之別此皆正脉相爲離合非旁通交會之謂也餘倣此志云正者謂經脉之外別有正經非支絡也蓋從經而別行復屬於太陽之經脉故名經別謂經脉之別經也馬氏以正爲正經宜與經脉篇之直行者相合別者爲絡宜與經脉篇之其支者其別者相合噫經脉血氣之生始出入頭緒紛紜不易疎也甲乙無成以以下九字註云九墟曰或以諸陰之別者皆爲正也

足少陽之正止此爲二合也 張云此膽肝二經爲

表裏經脉相爲一合也足少陽繞髀陽入毛際與

足厥陰合其內行而別者乃自季脇入胸屬膽散

之上肝由肝之上系貫心上挾咽自頤頤中

圖翼云頤

中爲頤頤頤下也

虎頭燕頤義卽此出散於面上繫目系復合少陽

本經於目外眥瞳子膠也足厥陰之正別足跗內

行上至陰毛之際合於足少陽與別者俱行上布

脇肋是爲六合之二也簡案肝上之上衍

足陽明之正止此爲三合也 甲乙太陰之正下有

則別二字結作絡舌中作舌本額頤正脉道藏熊

本張本並作額顙馬本志本作額顙張云此胃脾
二經表裏相爲一合也足陽明上至髀關其內行
者由氣街入腹裏屬於胃散於脾上通於心循咽
出於口上額顙入承泣之次繫目系爲目下網以
合陽明本經也足太陰之正上股內合於足陽明
與別者俱行上咽貫舌是爲六合之三也

手太陽之正止此爲四合也張云此小腸與心表
裏經脉相爲一合也指地者地屬陰居天之內手
太陽內行之脉別於肩解入腋走心繫於小腸皆
自上而下自外而內故曰指地經脉篇言交肩上

入缺盆絡心此言別於肩解入腋走心蓋前後皆有入心之脉手少陰之正自腋下三寸足少陽淵腋之次行兩筋之間內屬於心與手太陽入液走心者合乃上行挾於咽出於面合於目內眥是當與足太陽精明相會矣此六合之四也

手少陽之正止此爲五合也張云此三焦心主表

裏經脉相爲一合也指天者天屬陽運於地之外手少陽之正上別於巔入缺盆下走三焦散於胃中包羅藏府之外故曰指天手厥陰之正其別而內行者與少陰之脉同自腋下三寸足少陽淵腋

之次入胸中屬於三焦乃出循喉嚨行耳後合手
足少陽於完骨之下此六合之五也志云少陽初
陽也從陰而生自下而上故曰指天曰指地者謂
手合于足也曰指天者謂足合于手也蓋分手足
于二經則爲六合論陰陽之氣止三合矣簡案別
下淵液三寸馬云別于腋下之天池穴攷本輪篇
云腋下三寸手心主也名曰天池馬似是

手陽明之正止此六合也 道藏馬志本大腸作太
陽誤也張云此大腸與肺爲表裏經脉相爲一合
也手陽明之正循胸前膺乳之間其內行者別於

肩髃入柱骨由缺盆下走大腸屬於肺其上者循
喉嚨復出缺盆而合於陽明本經也手太陰之正
其內行者自天府別入淵腋出手少陰心經之前
入內走肺散之大腸其土行者出缺盆循喉嚨復
合於手陽明經以上共十二經是爲六合也

經水篇第十二 馬云內論十二經脉合于十

二經小故名篇簡案管子水地篇云水者地
之血氣如筋脉之流通者也酈道元水經註
引經脉誌蓋其書誌經水之流通者

夫經水者止可得聞乎 張云經水者受水而行於

地也人之五藏者所以藏精神魂魄者也六府者所以受水穀化其精微之氣而布揚於內外者也經脉循江河也血猶水也江河受水而經營於天下經脉受血而運行於周身合經水之道以施治則其源流遠近固自不同而刺之淺深灸之壯數亦當有所辨也

八尺之士 簡案周禮考工記人長八尺又淮南天文訓人脩八尺而周禮卿大夫國中七尺以及七十七尺謂二十又淮南修務訓吾生也有七尺之形則與考工記天文訓異荀子曷足以美七尺之

軀哉又家語六七尺之體今據本經骨度篇人長
其實七尺五寸而泛言其脩或云七尺或云八尺
舉其大槩耳

其死可解剖而視之簡案漢書王莽傳云翟義黨
王孫慶捕得莽使大醫尙方與巧屠共剝剝之量
度五藏以竹筵導其脉知所終始云可以治病宋
楊介存真圖歐希範五藏圖蓋其遺也而與本節
之旨符矣
其藏之堅脆止其常有合乎張云如藏之堅脆則
見於本藏篇府之大小穀之多少則見於平人絕

穀篇脉之長短則見於脉度篇血之清濁則見於
根結篇十二經血氣多少各有大數則見於血氣
形志等篇此其鍼艾淺深多寡故各有所宜如下
文也甲乙大數作定數

足太陽外合於清水張云此下以經脉配經水蓋
欲因其象以辨血氣之盛衰也馬云按古今輿地
圖清水遺籍無之黃河合淮處謂之清河今有清
河縣疑是清水也張云按清水即大小清河輿地
圖志曰大清河即濟水之改道自兗州府東北流
出長清等縣由利津等界入海小清河一名灤水

源發濟南府趵突泉經章丘受漯河之水由新城
入海禹貢曰浮於濟漯達於河者必此河也今俱
屬山東省濟南府簡案今攷水經無清水王水註
離合真邪論引本節作涇水蓋古本有如此者書
禹貢涇屬渭汭詩谷風涇以渭濁

通水道焉志云肺屬天而主氣膀胱爲津液之府
受氣化而出六府皆濁而膀胱之水獨清故足太
陽外合于清水內屬于膀胱而通水道焉足少
足少陽外合於渭水張云足少陽經內屬於膽常
少血多氣故外合於渭水按地志渭水出隴西郡

渭源縣西南鳥鼠山至同州入河今俱隸陝西省
渭源屬臨洮府同州屬西安府也志云渭水獨清
諸陽皆濁而膽爲中精之府獨受其清故足少陽
外合于渭水內屬于膽簡案張註義未允當志云
渭水獨清與古說乖矣以渭合膽必有別所據今
不可得而攷也下節諸水亦多不可解者

足陽明外合於海水張云足陽明經內屬於胃常
多氣多血爲五臟六府之海故外合於海水按海
包地外地在海中海水周流實一而已今云四海
者以東西南北而分言之也故東曰渤海南曰漲

海西曰青海北曰瀚海

足太陰外合於湖水

志云湖水有五湖卽洞庭彭

澤震澤之類脾位中央而灌溉于四旁故足太陰
外合于湖水而內屬于脾又云土數五故合五湖
張云五湖皆在東南周禮職方氏楊州澤藪曰具
區案謂湖水與五湖各異水經註湖水出桃林塞
之夸父山又五湖謂長塘湖太湖射黃湖上湖瀾
湖

足少陰外合於汝水

張云足少陰經內屬於腎常

少血多氣故外合於汝水按汝水源出汝州天息

山山西平上蔡汝陽等縣入淮今屬河南省汝寧府

足厥陰外合於澠水 志云澠水出于青州之臨淄而西入于淮天下之水皆從東去澠水自東而來故應足厥陰東方之肝木簡案澠史音彌善切張音免志音咸廣韻食陵切又泯涵二音集韻神陵切音繩

手太陽外合淮水 合下諸本有於字當補張云手太陽經內屬小腸常多血少氣故外合於淮水按淮水出唐州桐栢山繞徐揚之界東入於海今屬